

www.BibleForChildren.org


मत्ती 8



पछेन तीसरे दाहडे गलील जीलान काना सहर मां ईयाव हतलु।
ने ईसुन माय बी चां हतली चां ईयाव मां ईसु ने तेरा चेला काजे
बी नेवता आपीन बुलाय रवला।



जत्यार चां अंगुरेन रस सर गुयु, ती ईसुन माय ईसुक कय,
“हींद्रे धडे ते अंगुरेन रस सर गुयु।” ईसुन माय पावर्या काजे कय,
“हीयु तुहुंंक जु काय कहं चत करजु।”



ईसु चां वाळा पावऱ्याक कह्यु, "गुळा मां पाणी भर देवु" ने चे पावऱ्या ईसुन वात मानीन उगेळतो पाणी भर देदा। तत्यार ईसु तीनुक कह्यु, "हय ईतरोक पाणी नीकाळीन वारत्यान धडे ली जावु।" चे पावऱ्या च पाणी नीकाळीन वारत्यानूचां ली गुया।



ततयार वारती च पाणी चाख्यु अंगुरेन रस बण गुयो ने तीनाक नी
मालुम हतलो की अंगुरेन रस कां सी लावला। बाकुन तीनु पावर्याक
मालुम हतलो की कां सी लावला ती

आरत्यु दुल्लाक बुलायन
तीनाक कह्यु। "क्य बी माणुस
पेहली बार वारलु अंगुरेन रस
आपे ने ततयार माणसे पीन
आफरी जाय ततयार हळकु
अंगुरेन रस आपे;
बाकुन तु ते वारलु
अंगुरेन रस ह्य
लग मेल रवलु।"




ईसु गलीलेन काना सहर मां पेहली कावा वारु
कामेन सहलाणी देखाडीन आपसुत सेक-सींगार
देखाड्यु। ने ज देखीन ईसुन
चेला ईसु पर भुरसु कर्या।



ईसु जत्यार पतरसेन घर मां आयु, ती पतरसेन
सासुसेन सेरी आय रवलो देख्यु।



ईसु तीनी पर हात मेक्यु ने तेरो सेरी ततयारुत उतरी ज्य,
ने ची उठीन ईसुन चाकरी करने बाजी गुय।




सांती वेळाय दाहडु डुब्यु तत्यार आखा मांदला माणसे ने भुतडा
लागला माणसे ईसु धडे लाया। ने आखा गांवेन माणसे तीना घरेन
अगळ भेळा हय गुया।



बेसका माणसे चां भाती-भातीन मांदवाड सी मांदला हतला, तीनु काजे ईसु वारु कर्यु, ने तींद्रे मां सी बेसका भुतडा बी नीकाळ्यु काहाकी भुतडा ईसु काजे उळखतेला असु करीन ईसु तीनु काजे बुलने बी नी देदु।



आखा माणसे ईसु काजे छीमणे हींडतेला, काहाकी ईसु मां सी ताकत
नीकळीन आखा काजे वारु करतेली।



ने एक लखवान मांदवाड़ मां पड़ रवला एक माणुस काजे चार जणा
हाकलीन ईसु धड़े लाया।



बाकुन जत्यार माणसेक चां नी जावायो
काहाकी चां गडदी बेसकी हतली; ती चे घर
पर चहड्या ने बमडे सी कवलु
हेड देदा ने मांदला काजे ईसु अगळ
खाट्ली भेळात उतार देदा।




ईसु तींदरु भुरसु देखीन तीना लखवा मां पड़ला
माणुस काजे कह्यु, "ए पुर्या तारा
पापेन माफी जड़ गुयली छे।"
"मे तार सी कहं की, उठ,
तारी खाट्ली हाकलीन
तार घर जाती रवा।"



जत्यार ईसु ढंड्या मां बठ्यु ती तेरा चेला बी तेरे पुढ्ये बठ गुया।
ने, तीनी टेम दरीया मां उचकान बेसकी
मटी आंधी आवी, ने दरीयान झलक
ढंड्ये आपठायन बाकुन ईसु ते,
सुवणे बाजी रवलु।



ईसु तीनुक कह्यु, "ए! कम भुरसा वाळा, तुहं काहा बीही रया!"
तत्यार चु उठीन आंधी ने पाणी काजे लड्यु, ने आखो सेळो पड गुयो। ने
चे चकराय गुया ने कहणे लाग्या, "गुयु कसलु माणुस छे
की आहळी ने पाणी बी हेरी वात काजे माने।"



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेते ह्य गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुडी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



मत्ती 8-9; मरकुस 1-2, 4; लुका 4, 8; युहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

